

Mensahe 6

**Espirituhanong Mga Prinsipyo, Mga Pagtulon-an sa Kinabuhi,
ug Balaang Mga Pasidaan nga Makita sa Kasaysayan ni David**

Basahong Kasulatan: 1 Sam. 16:1—2 Sam. 24:25; Buh. 13:22, 36

- I. Sa kasaysayan ni David (1 Sam. 16:1—2 Sam. 24:25), makita gyod unta nato ang pagkamagbubuot sa Dios ug ang pagkat-on ni David sa mga pagtulon-an sa krus:**
- A. Sa pagkamagbubuot sa Dios gisulayan ug giaprobahan si David sa pagsalig niya sa Dios ug sa pagpildi niya ni Goliath—1 Sam. 17:1-58:
1. Ang kasinatian ni David sa pagkamagbalantay niya sa mga karnero nagbansay niya nga mosalig sa Ginoo, mao nga sa pagkadungog niya sa pagpanghagit ni Goliath, makasulti siya ni Saul nga, “Nagbantay ang imong sulugoon sa mga karnero sa iyang amahan; ug sa dihang dunay leon o oso nga moanha ug motukob og nating karnero sa panon, mosunod ko niini ug bunalan kini, ug luwason ang nating karnero gikan sa baba niini. Ug sa dihang mosukol kini nako, kuptan ko ang bungot niini ug bunalan ug patyon kini...si Jehova, nga nagluwas nako gikan sa kuyamas sa leon ug sa kuyamas sa oso, luwason ko Niya gikan sa kamot ning Filistehanon”—vv. 34-37:
 2. Giingnan ni David si Goliath nga “moluwas si Jehova dili pinaagi sa espada o bangkaw, kay iya ni Jehova ang gubat ug itugyan mo Niya sa among kamot” (v. 47); niadto si David aron makig-away ni Goliath (vv. 40-48) ug gipatay niya kini sa paglambuyog og bato nga niigo sa agtang niini ug gipunggotan kinig ulo gamit ang kaugalingon niining espada (vv. 49-54).
 3. Ang pagdaog ni David batok ni Goliath kusganong nagpamatuod sa pagpili ug pagdihog sa Dios kaniya; makaamgo unta ta, basi sa kasinatian ni David, nga kay nagpursigir man ta ni Cristo karon, bug-os gyong naa sa nagbuot nga kamot sa Dios ang matag aspeto sa atong palibot—Mat. 10:29-31; Sal. 31:14-15; 39:9; Rom. 8:28-29; Isa. 45:15.
- B. Sa pagbuot sa Dios gipili si David nga mahimong tig-alagad ni Saul, nga kasamtangang hari; sa pagkuyog nilang duha, nabutyag si Saul nga tawong sukwahi sa kabubut-on sa Dios, ug nadayag si David nga tawong uyon sa kasingkasing sa Dios—1 Sam. 18:6-11:
1. Kanang gisulayan si David sa relasyon niya ni Saul nagpasabot nga sige siyang gibutang sa krus; bisan asa siya gipaadto ni Saul, mabuot siyang nag-gawi, tungod niana, gipapangulo siya ni Saul sa mga tawo sa gubat; kas-a, sa pagpauli ni David human sa pagpamatay niya sa mga Felistihanon, nang-gula ang mga babaye sa tanang lungsod sa Israel ug nag-awitay sila sa usag usa—“Nakapatay si Saul sa iyang mga linibo; / Apan si David, sa iyang tag- napulo ka libo”—vv. 5-7.
 2. Wala makaapekto ni David kining pagdayega, apan nakaapekto kini ni Saul; niingon si Salomon nga, “Ulayon ang tawo sa pagdayeg nga idayeg kaniya” (Prov. 27:21); nasuko pag-ayo si Saul ug nasina ni David, nagpakita nga tawo siya nga hingpit gyong naa sa unod ug bug-os nga alang sa iyang kaugalingon; sukad niadtong adlaw, nihukom si Saul nga patyon si David, ug walay katagoan si David; dili lang nga nasina si Saul ni David, naglaraw pa gyod siya unsaon niya kini sa pagpatay nga dili madaot ang kaugalingon niyang ngalan—1 Sam. 18:10—20:42.

UNA UG IKADUHANG SAMUEL

Mensahe 6 (sumpay)

3. Sa dihang gisulayan pagpatay ni Saul si David, wala kini makig-away o mobuhat bag bisan unsa aron ipanimalos ang iyang kaugalingon; nikalagiw lang siya; iya sa unod ang pagpanimalos ug pagsukol, ug ang mga nagbuhat sa mga butang sa unod walay bahin sa gingharian sa Dios—18:11; itandi sa Rom. 12:19; Efe. 4:26; Gal. 5:21, 24.
4. Tawong nakaila sa pagbulot-an sa Dios si David sa kinasingkasing gyod; makita nato sa 1 Samuel nga gigukod ni Saul si David sa kamingawan aron patyon; dunay higayon nga mapatay unta ni David si Saul, apan nahadlok siya sa Dios ug wala mangahas sa pagpukan sa diosnong han-ay nga gipahaluna sa Dios—18:6—26:1-25.
5. Kon nisupil pa si David ni Saul, mahimo unta siyang panig-ingnan sa katawhan sa pagsupil batok sa haring dinihogan ug tinudlo sa Dios; ang tinagdan ni David mao ang pagdumili sa kaugalingon ug pagpasakop sa pagbulot-an sa Dios.
6. Wala magmasinugtanon sa Dios si Saul ug gisalikway siya sa Dios, apan tali ra kini ni Saul ug sa Dios; alang ni David, nagpasakop siya sa dinihogan sa Dios, ug kini ang kaakohan niya atubangan sa Dios—24:4-6; 26:9, 11; 2 Sam. 1:9-16.
7. Kon dunay mobayad sa bili aron mosinati sa pagdugmok sa krus sa pagkinabuhi niya diha niini, makaila ug magbatok sa natural nilang kinabuhi ug taras, mopatay sa unod, ug modumili sa ilang kaugalingon atubangan sa Dios, makaila gyod sila sa pagbulot-an sa Dios ug makapadangat niini—sukaranong prinsipyo kini.
8. Segun sa pagkaila sa Bag-ong Tugon, gipas-an ni David ang krus matag adlaw diha sa bisan unsang sitwasyon; gipakita sa Filipos 3:10 nga ang kusog aron makapas-an ta sa krus mao ang gahom sa pagkabanhaw ni Cristo; nisulod na si Cristo kanato aron mopuyo sa sulod nato ug mopas-an sa krus sa sulod nato—itandi sa A.A. 2:8-9; 14.
9. Sa nagkat-on si David sa mga pagtulon-an sa krus, nakapahimulos siya sa sangkap sa Dios nga si Jonatan ug Michal; kon wala pa sila, dili gyod unta makaikyus si David ni Saul—1 Sam. 20:1-42; 19:11-18.
10. Diha sa pagbuot sa Dios, gidawat ni David ang mga pagtulon-an sa krus, ug sa kaulahian, dili siya ang napildi kondili ang nakaginansya ug nakadaog, dili ang nag-antos kondili ang nagpahimulos—Fil. 1:19; 3:8-9; 2 Cor. 4:7, 16-18; itandi sa 2:12-14.
11. Nagtimaan sa kinabuhi sa pagkadugmok ang kinabuhi ni David; ang pagdugmok sa tawo sa gawas pagdugmok man sa natural natong taras, sa atong kaugalingon; ang tumong sa pagdisiplina sa Espiritu Santo aron man madugmok ta; gibutang ta sa Dios sa dapit sa hingpit nga pagkainutil ug pagkawalay-mahimo aron walay kaulangang ikaumol Niya ang Iyang Kaugalingon ug ang tanang dili matugkad nga kadato Niya nganhi nato—1:8-9; 4:16-18; 12:9-10; Os. 6:1-3; Rom. 8:28-29; itandi sa Juan 12:3.

II. Nagtagad si David sa puluy-anan sa Dios dinhi sa yuta, sa puluy-anan sa Arka sa Dios—2 Sam. 6:1—7:29; Sal. 132:1-18:

- A. Bisan dili gusto ang Dios nga motukod si David sa templo, giandam niya ang mga magtutukod, ang luna, ug ang materyales nga igtukod sa templo; gipadayag sab sa Dios kang David pinaagi sa Iyang Espiritu ang sumbanan sa templo, ug

Mensahe 6 (sumpay)

sa wala pa mamatay si David, gihatag niya ni Salomon nga iyang anak kining sumbanan; sa ingon niana, gituman ni David ang iyang pagpangalagad ug nagbuhat uban sa Dios aron mahuman ang pagtukod sa templo—2 Sam. 8:11; 1 Har. 7:51; 1 Cron. 22:14-16; 29:1-5; 1 Cron. 28:11-19; Buh. 13:22, 36.

- B. Masiboton si David nga motukod sa templo alang sa Dios (2 Sam. 7:1-3), apan wala dawata sa Dios ang maayong tuyo niya; gipaadto sa Dios si Natan nga propeta kang David aron mangutana, “Ikaw bay motukod Nakog balay nga Akong kapuy-an?”—v. 5:
1. Nagpakita kini nga tanang buhat ug pag-alagad nato diha sa iglesia pina-siugdahan gyod unta sa Dios ug sumala gyod unta sa Iyang tinguha; bisan unsang gipasiugdahan o gisugdan sa tawo, bisan unsa pa kini kaalang sa Dios, relihiyosong kalihokan man nga walay presensya ni Cristo.
 2. Hinangponon ang kasingkasing nato nga moalagad sa Dios, apan dili hinangponon ang desisyon nato nga mobuhay alang Niya; giingnan sa Dios si David, “Ikaw ba?...”; dili gusto ang Dios nga modesider tag bisan unsa alang Niya.
- C. Kay tawo mang nahadlok sa Dios si David ug nibulig Niya, wala siyay gibuhay sa dihang giingnan siya sa Dios pinaagi ni Natan nga moundang sa hugot nga pagbuot niya nga maoy motukod sa templo; dakong butang ang pag-undang ni David sa pagtuman sa tinguha niya nga motukod sa templo: niingon si Sister M.E. Barber nga, “Bisan kinsang dili makaundang og buhat alang sa Dios, dili makabuhay alang sa Dios” (*The Collected Works of Witness Lee, 1953*, vol. 1, “Knowing Life and the Church,” p. 283)—Luc. 10:38-42.
- D. Ang pag-undang ni David nag-establisar og duha-ka-pilong panghimatuod sa uniberso: una, tanang buhat dinhi sa uniberso maggikan gyod sa Dios, dili sa tawo; ikaduha, ang mahinungdanon kana rang buhaton sa Dios alang sa tawo, dili ang buhaton sa tawo alang sa Dios—2 Sam. 7:11-14, 18, 25
- E. Makat-on unta ta sa kinasuloran nato nga ang pagbulig ra nato ang gusto sa Dios; wala Siya magkinahanglan nga duna tay buhaton para Niya; hunongon gyod nato ang tanan natong opinyon, desisyon, ug mga hunahuna; pasultion, pasudlon, ug pasugoon gyod nato Siya—Mat. 17:5.

III. Ang giasoy nga paghukom nga silot sa Dios ni David gisulat isip pasidaan kanato karon (1 Cor. 10:11); dili lang mahigugmaon ug maluluy-on ang Dios, kondili matarong ug kahadlok sab Siya; gipasaylo sa Dios si David, apan gidisiplina ug gipanton sab Niya si David sumala sa iya-sa-pangagamhanang pagkamatarong Niya (2 Sam. 12:10-14):

- A. Sa napasakop na ang tanang kaaway sa Israel ug gituboy si David nga hari sa Israel, nakabuhay si David og dakong sala samtang naa siya sa malinawong sitwasyon—pagpanapaw ug pagpatay; nagpakita kini nga naa ngani ta sa kasayon sa malinawong sitwasyon, sayon ra tang matintal nga magpasinunot sa atong unod—11:1-27; 1 Ped. 4:1 ug nota 4).
- B. Lugwa ang sala ni David sa pagpasinunot niya sa pangibog sa mga mata ug sa pangibog sa unod (2 Sam. 11:2-3); si David, nga nangabuso sa gahom sa iyang pagkahari (vv. 4-5), nakabuhay og tinuyong pagpanapaw pinaagi sa pagpangawat.
- C. Sa nahimo na kini ni David, nisulay siya sa pagtabon sa daotan niyang binuhayan pinaagi sa pagpakaaron-ingnon (vv. 6-13); unya gipatay niya si Urias, nga matinumanong sulugoon niya, sa pagpakig-abin ni Joab, aron makuha niya ang asawa ni Urias (vv. 14-25; 12:9).

UNA UG IKADUHANG SAMUEL

Mensahe 6 (sumpay)

- D. Ning usa ka sala ni David nakalapas siya sa ulahing lima sa Napulo ka Sugo (Exo. 20:13-17); dakong insulto ug sala sa Dios ang sala niya, ug halos nagwala kini sa tanang nakab-ot na niya kaniadto.
- E. Si David, nga tawong uyon sa kasingkasing sa Dios (1 Sam. 13:14), nakapasugod sa Dios sa panahon sa pagkahari aron maestablisar ang gingharian sa Dios dinhi sa yuta alang sa moabot nga Cristo Niya, apan napakyas siya kalabot sa pagpasinunot sa pangibog sa unod (1 Hari 15:5); mapatuyangon si David ning bahina, ug gisakripisyo niya ang habog nga nakab-ot na niya sa espirituhanong pagpursigir niya sa Dios; magpasidaan gyod unta kini kanatong tanan.
- F. Pagkamakasusubo gyod nga sa mahinungdanong panahon sa pagtintal sa daotan, wala pugngi ni David ang iyang pangibog kondili nagpasinunot hinuon niini ug gihimo ang bug-at nga sala nga nakapasilo sa Dios sa hilabihan gyod.
- G. Gihigugma sa Dios si David, apan tungod sa iyang sala nawad-an si David sa iyang baroganan ug posisyon maingon man sa napulog usa sa napulog duha ka banay (2 Sam. 20:1-2); nagpugas ang sala ni David sa binhi sa pagkadunot ni Salomon (12:24), nga nisangpot sa pagkabahin sa ginghariang hinatag-sa-Dios (1 Hari 11:9-13; 12:1-17), ug sa binhi sa pagkadunot sa mga kaliwat ni Salomon diha sa pagkahari, nga nisangpot sa kapulihay sa pagkawala sa nasod ug sa balaang yuta sa ilang mga amahan, sa pagkabihag sa balaang katawhan, ug sa pagkatibulaag nila sa tibuok kalibotan ug walay kalinaw hangtod karong panahona.
- H. Makita nato sa kasaysayan ni David nga seryosong butang kanang masilotan ta sa mapangagamhanong kamot sa Dios (2 Sam. 12:10-14); dali ra kaayong napahiuli ni David ang pakig-ambitay niya sa Dios, apan nagpadayon ang pag-disiplina sa Dios bisan sa namatay na siya (15—20:26).
- I. Pinaagi sa pagsugid ni David sa iyang mga sala, napahiuli ang pakig-ambitay niya sa Dios, ingon sa gipadayag sa Salmo 51, apan naanaa na siya sa mapangagamhanong kamot sa Dios; human sa pagkapakyas niya, nahitabo sa iyang pamilya ang daghang kadaotan, lakip na ang unayng pakighilawas, pagpatay, ug pagsupil—2 Sam. 12:15—20:26.
- J. Gipahamtangan sa Dios og bug-at nga silot si David kay daotan man kaayo ang iyang sala; ang tinubdan sa wala-pa-sukad-mahitabo nga kadaotan diha sa pamilya ni David mao ang pagpasinunot ni David sa pangibog sa unod; nagpakita kini nga ang pagpanton sa Dios ug ang iya-sa-pangagamhanang pagbatok Niya sa mga nahigugma Niya makaapektar man tingali bisan sa ilang mga anak.
- K. Bug-at gyod unta kining magpahimangno ug magpasidaan nato sa relasyon nato ni Cristo; unsa ta, unsay atong gitinguha, unsay buot natong buhaton, ug unsay ginawian nato may kalabotan gyod kaayo sa pagpabilin nato ni Cristo ug pag-ambit sa tanang dili matugkad nga kadato Niya nga atong kapahimuslan; kon nasayop ta sa Dios sa bisan unsa ning mga butanga, mag-antos ta nga mawad-an ni Cristo nga atong pagpahimulos.
- L. Isuka ta sa malangkobon-sa-tanan nga Cristo nga puluy-anan nato, ang malangkobon-sa-tanan nga maayong yuta nato, ug ang tanang gikinahanglan nato nga atong mapahimuslan ug dili na ta papahimuslan pa Niya kon dili ta husto tali Niya—Lev. 18:25; Bug. 3:16.
- M. Sa kapulihay, dili lang kay natigulang si David kondili nagkaluya sab; dunay maayong pagsugod ang kinabuhi ni David, sama sa masanagong Adlaw nga nisubang, ug ang iyang kinabuhi ug trabaho sama sa nagsidlak nga Adlaw sa

MGALALAMDAN SA PAGTUON-NGA-MAKAPATIN-AW

Mensahe 6 (sumpay)

udtong tutok; apan, ang pagpasinunot niya sa pangibog (2 Sam. 11:1-27) nakadaot sa iyang trabaho ug nakapahanaw sa masanagong kinabuhi niya sama sa pagsalop sa Adlaw sa hapon; sa pagkatigulang ni David wala nay butang nga masanagon, maayo kaayo, o mahimayaon—1 Har. 1:1-4; itandi sa Deut. 34:7; Gen. 48:14-16; Prov. 4:18).

- N. Kinabuhing nagkat-on sa pangagamhanan sa Dios ang Cristohanong kinabuhi; maani nato ang atong gipugas; labi tang magmabination sa uban, labi sab nga magmabination ang Dios kanato; kon mabangis ug mag-inestriko ta sa atong mga igsoon, mabangis ug mag-inestriko sab ang Dios kanato; kon nagsakit og nagkaproblema ang uban, panahon kana nga motabang ta nila, dili panahon nga manaway ta nila—Gal. 6:7; 1 Tes. 5:14-15; Luc. 6:36-38; Mat. 7:1-2:
1. Kat-onan gyod nato nga magmabination ug magmapasayloong mga tawo; kon mag-inestriko ta sa uban, mag-inestriko ang Dios kanato; likayan gyod nato ang pagpanaway, pagpanghukom, o pagpataka bag sulti kalabot sa uban; ang pagsaway ug pataka nga mga sulti nato kalabot sa uban sagad nga mahimong paghukom kanato mismo—6:15; 18:23-25.
 2. Daghang igsoon nga makaluluoyng nangatumba karon tungod sa usa ra ka hinungdan—sobra ra kagrabeng nanaway sa uban kanhi, ug daghan sa mga kaluyahon nila karon mao gyod ang mga kaluyahong gisaway nila kaniadto.
 3. Gitawag ta aron mopanalangin sa uban, busa ingon nga mga tawong gipanalanginan, kanunay gyod tang mopanalangin sa uban aron makapanunod tag panalangin; ang ipanalangin nato sa uban maoy mapanunod sab nato—1 Ped. 3:8-11; Mat, 10:13; itandi sa Num. 6:22-27.